

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 86/14
Sarajevo, 05.12.2014. godine.

ZAPISNIK
SA SJEDNICE UDRUŽENJA SUDIJA/SUDACA U FEDERACIJI BOSNE I HERCEGOVINE ODRŽAN
05.12.2014. GODINE

Sjednica je održana u prostorijama hotela „Garden city“ u Konjicu sa početkom u 12:00 sati

PRISUTNI ČLANOVI US FBIH: Božana Banduka, Vildana Helić, Šabić Mustafa, Stjepan Mikulić, Nedim Begić, Hakija Zajmović, Amra Muratbegović, Mirjana Dević, Zuhdija Čosić, Muhamed Kovač, Aladin Bajrić.

ODSUTNI ČLANOVI US FBIH: Zdenka Filipović (opravdano), Željko Mikić (opravdano), Jasmin Jahjaefendić (opravdano), Amir Ahmetpahić (opravdano).

GOSTI: Članovi Upravnog odbora Udruženja tužilaca/tužitelja u FBIH.

DNEVNI RED

1. Usvajanje zapisnika sa prethodne sjednice USFBiH 17.10.2014.
2. Plan aktivnosti udruženja za 2015. godinu
3. Izmjena pravilnika o orijentacionim mjerilima za rad sudija (zahtjev ogranka SBK)
4. Dopis ogrank Hercegovačko-neretvanskog kantona.
5. Zahtjev ogranci sredstva od članarine 2014.
6. Razno

Dnevni red usvojen bez primjedbi.

AD.1

Zapisnik sa sjednice USFBiH koja je održana 17.10.2014. godine na Jahorini je usvojen bez primjedbi.

AD.2

Predsjednica Udruženja sudija/sudaca FBIH g-đa Božana Banduka je upoznala prisutne članove predsjedništva o planu aktivnosti Udruženja za 2015. Nakon kraće rasprave članovi predsjedništva su donijeli sljedeći zaključak: Članovi predsjedništva su ovlastili sekretara udruženja da sastavi plan aktivnosti Udruženja za 2015. godinu koji uključuje redovne aktivnosti udruženja oko održavanja sjednica predsjedništva i ostalih redovnih aktivnosti po statutu Udruženju, organizaciji Savjetovanja iz krivične oblasti Neum 2015. i građanske oblasti Jahorina 2015. Drugi zaključci po ovoj tački koji su članovi predsjedništva

donijeli su inicijativu da se sjednice Predsjedništva održavaju i u drugim većim centrima u FBiH. Donesen je zaključak da se u plan aktivnosti za 2015. uvrsti i prekršajno savjetovanje koje bih se trebalo održati u Aprilu 2015. godine.

AD 3. AD 4.

Predsjednica Udruženja je donijelo zaključak da se tačke dnevnog reda AD 3 i AD 4 spoje u jedinstvenu tačku dnevnog reda.

Predsjednica Udruženja je upoznala članove predsjedništva sa navedenim tačkama dnevnog reda. Ona je izvršila uvodno izlaganje te otvorila diskusiju. Na diskusiji su učestvovali svi članovi predsjedništva Udruženja koji su imali jedinstveni stav povodom ove tačke dnevnog reda te nakon duže rasprave i diskusije doneseni su sljedeći Zaključci:

„Uputiti dopis VSTV-u BiH da je predsjedništvo Udruženja ponovo razmatralo pitanje normiranje rada nosilaca pravosudnih funkcija u BiH te predložilo VSTV-u BiH da izvrši izmjenu i dopunu pravilnika o orijentacionim mjerilima za rad sudija, stručnih suradnika i drugih zaposlenih u sudovima u BiH, ta da se rad sudaca mjeri prema efektivno provedenom vremenu na radu ili eventualno da se godišnja norma obračunava na bazi deset mjeseci a ne jedanaest mjeseci kako je to predviđeno važećim Pravilnikom, obzirom da trajanje odsustva sudaca u toku kalendarske godine traje duže od jednog mjeseca na godišnjem nivou (odsustva po osnovu godišnjeg odmora, vjerskih i državnih praznika, obaveznih edukacija i dr.).“

AD 5

Na adresu Udruženja je došao zahtjev ogranka Unsko-sanskog kantona za odobravanje povrati sredstava od članarina za 2014. godine po članu 20 Statuta Udruženja. Također su došli zahtjevi ogranaka Zeničko-dobojskog kantona i Posavskog kantona za povrat sredstava od članarine za 2014. godinu po članu 20. Statuta Udruženja.

Članovi predsjedništva su donijeli zaključak: Da ograncima Udruženja sudija/sudaca Federacije BiH odobrava povlačenje prihoda od članarine za 2014. godinu, po članu 20. statuta Udruženja i odluke predsjedništva Udruženja broj 79-6/14.

AD 6.

Pod ovom tačkom dnevnog reda predsjednica Udruženja je obavijestila članove predsjedništva povodom:

1. Dopis VSTV-u BiH, reagovanje Udruženja, inicijativi VSTV-a o stavljanju pravilnika o sukobu interesa VSTV-a BiH van snage.
2. Zaključci sa konferencije o sigurnosti pravosuđa.
3. Predsjednica Udruženja je obavijestila članove predsjedništva da je na Izornoj skupštini Udruženja sudija BiH za predsjednicu Udruženja sudija BiH imenovana Mirjana Dević članica predsjedništva USFBiH i sudija Vrhovnog suda FBiH. Članovi predsjedništva su uputili čestitku novoimenovanoj predsjednici te dali inicijativu o zajedničkom sastanku predsjedništva USFBiH i članova upravnog odbora USBiH.

Sjednica je okončana u 13:00 sati

Nakon sjednice predsjedništva USFBiH održan je zajednički sastanak Udruženja sudija/sudaca FBiH i članova upravnog odbora Udruženja tužilaca FBiH

Zajednički sastanak Udruženja sudija/sudaca u FBiH i Udruženja tužilaca/tužitelja u FBiH.

Sastanak je počeo u 13:15.

Pozdravnu riječ je uputila predsjednica UTFBiH g-đa Hajrija Hadžiomerović Muftić koja je pozdravila sve prisutne. Oba Udruženja imaju skoro identične stavove i iste ciljeve te podržala održavanje zajedničkih sastanaka Udruženja i u narednom periodu jer tako Udruženja mogu biti ravnopravniji i jači sa svojim zahtjevima pred VSTV-om BiH i izvršnoj vlasti.

Pozdravnu riječ je uputila i predsjednica USFBiH g-đa Božana Banduka pozdravila sve prisutne te podržala zajedničke sastanke te upoznala članove UTFBiH da je USFBiH pokrenulo inicijativu za održavanje statusne konferencije sudija i tužilaca na području BiH u 2015. godini te zatražila da se i druga strukovna Udruženja uključe u organizaciji konferencije. Tu inicijativu su prihvatili predstavnici UTFBiH.

Također je zajednički stav da se nastave zajednički sastanci strukovnih Udruženja i VSTV-a BiH povodom svih bitnih pitanja za nosioce pravosudnih funkcija u BiH.

Predsjednica USFBiH je zahvalila upravnom odboru UTFBiH na pozivu da članovi predsjedništva USFBiH prisustvuju Izornoj skupštini UTFBiH i seminaru u organizaciji UTFBiH.

Zajednički sastanak je okončana u 13:45 sati

**Predsjednica Udruženja
sudija/sudaca u FBiH
Božana Banduka**